

## **BASES DA CONVOCATORIA PARA O OUTORGAMENTO DE BOLSAS A DEPORTISTAS ANO 2019**

Bases específicas que rexen a convocatoria, en réxime de concorrència competitiva, para a concesión de subvencións para a promoción de actividades deportivas, que están suxeitas á Ordenanza reguladora das subvencións a deportistas individuais do Concello de Riveira , publicadas no Boletín Oficial de A Coruña en data 27-06-2018.

**1ª.-** O Concello de Riveira convoca concurso para outorgar, en réxime de concorrència competitiva, e baixo os principios de publicidade, obxectividade, transparencia e igualdade, bolsas a deportistas riveirenses non profesionais, que pertencen ou non a entidades deportivas do Concello, e que destacaran na súa faceta competitiva durante o ano 2018, co obxectivo de apoiar e fomentar a práctica e o rendemento deportivo.

**2ª.-** Poderán solicitar bolsas as persoas que cumpran os seguintes requisitos:

- ✓ Ter condición de deportista na práctica dalgún deporte olímpico (aínda que atendendo á especial importancia dun feito deportivo poderá valorarse a inclusión nestas bolsas de deportistas practicantes de deportes non olímpicos).
- ✓ Ter nacido no Concello de Riveira e/ou estar empadroadado no Concello de Riveira, cunha antigüidade mínima de tres anos dende a data da publicación do extracto da convocatoria no boletín oficial da provincia.
- ✓ Ter licenza federativa en vigor no momento de realizar a solicitude de beca, expedida pola Federación Deportiva correspondente.
- ✓ Estar ao corrente das obrigas fiscais co Concello de Riveira, así como das obrigas coa Axencia Tributaria e a Seguridade Social.

**3ª.-** Establécense dúas liñas de subvención:

- ✓ Beca a) Tokio 2020, destinada a deportistas de alto rendemento, de disciplinas olímpicas ou paraolímpicas, integrantes dos equipos das seleccións nacionais absolutas , con opción de clasificarse para participar na OlimpiadaTokio 2020, destinaranse 6.000,00 €, cunha contía máxima de cada bolsa de 3.000 €
- ✓ Beca b) para outros deportistas que destacaran na súa faceta competitiva no ano 2018, destinaranse 8.000,00 €, cunha contía máxima de cada bolsa de 1.000,00 €.

Ambas liñas son incompatibles entre sí, de xeito que os solicitantes deberán optar na súa solicitude por unha ou outra modalidade.

O crédito orzamentario existente para estas dúas liñas de subvención , será de 14.000 € euros. O gasto derivado destes programas resultan imputables á partida 341.48013 do orzamento municipal para o exercicio 2019.

**4ª.-** As solicitudes dirixiranse ao Ilmo. Sr. Alcalde, no modelo que figura como anexo, e presentaranse no Rexistro xeral do Concello durante un prazo de 15 días, que comezará a computarse a partir do seguinte á publicación da correspondente convocatoria no Boletín Oficial da Provincia da Coruña.

Os posibles defectos na solicitude seranlles notificados aos interesados, e daráselles un prazo de 10 días para emendar erros ou omisións. Transcorrido o dito prazo, se non se producise a emenda requirida, as peticións serán arquivadas sen máis trámites.

**5ª.-** Xunto coa solicitude de subvención para calquera dos dous programas presentárase a seguinte documentación:

- Fotocopia compulsada do Documento Nacional de Identidade.
- Currículo deportivo, expedido polo Clube ou Federación correspondente, referido ao ano 2018, así como de anos anteriores cando se teña que valorar a continuidade do deportista na alta competición.
- Certificado de empadramento.
- Fotocopia compulsada da licenza federativa correspondente ao ano 2019, ou certificado de ter licenza en vigor nesa tempada expedida pola federación deportiva correspondente.
- Certificación bancaria orixinal da conta corrente na que desexen que se lles ingrese o importe da achega, no caso de que se conceda.
- Declaración xurada de estar ao corrente coas obrigas fiscais co Concello de Riveira, cas facendas autonómica e estatal , así como Seguridade Social.
- Declaración de outras subvencións percibidas no seu caso.

As solicitudes referentes as becas a) TOKIO 2020, deberán acompañar, ademais, certificado da federación correspondente, de ter participado en competicións coa selección nacional absoluta durante o ano 2018.

6.- A instrución do procedemento corresponderalle á Concellaría de Deportes.

No seo desta constituirase unha comisión avaliadora, que procederá ao exame das solicitudes presentadas, formulando proposta de concesión de achega despois da consideración dos seguintes criterios:



CONCELLO  
DE  
**RIVEIRA**  
(A CORUÑA)

Declarado Municipio Turístico Galego

**PALMARÉS:** Valórase unicamente o mellor resultado acadado ,na anualidade a valorar, polo deportista atendendo ao seguinte baremo:

**Ámbito rexional (campionatos oficiais):**

Clasificad@s 3º posto: 3 puntos

Clasificad@s 2º posto: 4 puntos

Clasificad@s 1º posto: 5 puntos

**Categoría nacional (campionatos oficiais):**

Clasificad@s do 4º o 12º posto: 4 puntos

Clasificad@s 3º posto: 6 puntos

Clasificad@s 2º posto: 7 puntos

Clasificad@s 1º posto: 8 puntos

**Categoría internacional (campionatos oficiais):**

Clasificad@s do 4º o 12º posto: 15 puntos

Clasificad@s 3º posto: 20 puntos

Clasificad@s 2º posto: 25 puntos

Clasificad@s 1º posto: 30 puntos

Só serán puntuables os resultados obtidos de forma individual nos campionatos individuais da súa disciplina.

Os campionatos oficiais referidos anteriormente serán o galego, nacional, europeo e mundial da disciplina, así como xogos olímpicos e xogos do mediterráneo. Outros campionatos oficiais que se presenten poderán ser puntuados ou non a xuízo do comité avaliador.

**CONTINUIDADE:** Valoración en función dos anos de práctica dos deportistas, éxitos pasados e mantemento do deportista na alta competición nos seus respectivos deportes e categorías:

- Por acadar mínimo un tercer posto en campionato galego durante tres ou máis anos: 3 puntos.
- Por acadar mínimo un tercer posto en campionato galego durante dous ou máis anos: 2 puntos.
- Por acadar mínimo un tercer posto en campionato galego durante un ano: 1 punto

**CATEGORÍA:** Valoración en función da idade de cada deportista, non da categoría na que se compite:

- |  |           |
|--|-----------|
| • Absoluta: nados no ano 2.000 e anteriores        | 10 puntos |
| • Júnior/xuvenil: nados nos anos 2001,2002,2003    | 8 puntos  |
| • Cadete/infantil: nados nos anos 2004, 2005, 2006 | 6 puntos  |

Para poder optar a estas axudas será requisito obrigatorio que os solicitantes reciban un mínimo de 3 puntos no apartado palmarés a valorar , e de 13 puntos no total.

Atendendo á especial importancia dun feito deportivo poderá valorarse a inclusión nestas bolsas de deportistas con calquera clase de discapacidade. Quedarán excluídos destas axudas tódolos logros deportivos referentes á categoría de veteráns

**7ª.-** A instrución do procedementos corresponderalle á Concellaría de Deportes. No seo desta constituirase unha comisión avaliadora que procederá ao exame das solicitudes presentadas, formulando proposta de concesión de achega despois da consideración dos criterios establecidos en cada liña de actuación.

A resolución de concesión ditarase no prazo máximo de dous meses dende o remate do prazo de presentación de solicitudes, e deberá expresar a relación de solicitantes aos que se lle conceda axuda, ordenándoos en función da puntuación que tiveran obtido por aplicación dos criterios sinalados anteriormente, indicando o importe da axuda concedida.

A Xunta de Goberno do Concello de Riveira estudará a proposta de concesión e acordará a concesión e o pagamento das bolsas outorgadas.

#### **8ª Notificación e publicación da resolución.**

A notificación do acordo deberá efectuarse no prazo de dez días sinalado no artigo 40 da Lei 39/20150, de 1 de outubro, de procedemento administrativo común das administracións públicas.

A falta de resolución expresa en prazo implicará a desestimación da solicitude.

#### **9ª Aceptación da subvención.**

No prazo de 10 días naturais seguintes á notificación da resolución, os beneficiarios das bolsas deberán comunicar ao Concello de Riveira, por escrito, a súa aceptación.

Para o non previsto nestas bases será de aplicación a normativa legal vixente, e, máis en concreto, a Base 51ª e seguintes das de Execución do Orzamento Municipal.

#### **10ª Resolucións.**

O acordo pon fin á vía administrativa, e contra o mesmo poderá interpoñer RECURSO CONTENCIOSO-ADMINISTRATIVO ante o Xulgado Contencioso Administrativo de Santiago de Compostela, no prazo de dous meses (contado desde o día seguinte ó da práctica da notificación). Con carácter potestativo e previo poderá interpoñer RECURSO DE REPOSICIÓN perante a propia Alcaldía, no prazo de un mes (contado desde o día seguinte ó da práctica da notificación); neste caso, non se poderá interpoñer recurso contencioso-administrativo ata que sexa resolto expresamente ou se producira a desestimación presunta do recurso de reposición interposto. Neste



CONCELLO  
DE  
**RIVEIRA**  
(A CORUÑA)

Declarado Municipio Turístico Galego

último suposto, o prazo para a interposición do recurso contencioso-administrativo será de seis meses, contado desde o día seguinte a aquel no que se produza a desestimación presunta do recurso de reposición interposto.

Todo iso sen prexuízo de que poida exercitar calquera outro que estime procedente.

ANEXO I: SOLICITUDE DE SUBVENCIÓN

**Datos do solicitante**

Nome e apelidos : \_\_\_\_\_

NIF: \_\_\_\_\_

Enderezo: \_\_\_\_\_

Localidade: \_\_\_\_\_

Tfno. \_\_\_\_\_

Correo electrónico \_\_\_\_\_

**Datos do representante**

Nome e apelidos: \_\_\_\_\_

NIF \_\_\_\_\_

Tfno. \_\_\_\_\_

Correo electrónico \_\_\_\_\_

**SOLICITA** a participación na convocatoria de achegas para deportistas riveirenses non profesionais correspondente ao exercicio 2019, liña:

- ✓ Beca a) Tokio 2020. ( )
- ✓ Beca b) para outros deportistas que destacaran na súa faceta competitiva no ano 2018 ( )

(Débese optar por unha sola liña de subvención)

**ACHEGA** a seguinte documentación:

- Fotocopia compulsada do Documento Nacional de Identidade. ( )
- Currículo deportivo, expedido polo Clube ou Federación correspondente, referido ao ano 2018, e anteriores de ser necesario. ( )
- Certificado de empadramento. ( )  
Certificado de empadronamento xa entregado. Non existe variación nos datos. ( )
- Copia da licenza federativa correspondente o ano 2019, ou certificado de haber tido licenza en vigor nesa tempada expedido pola Federación correspondente.
- Certificación bancaria orixinal da conta corrente na que desexen que se lles ingrese o importe da achega, no caso de que se conceda. ( )  
Certificación bancaria xa entregada. Non existe variación nos datos. ( )
- Declaración xurada de estar ao corrente coas obrigas fiscais co Concello de Riveira, así como das obrigas tributarias coa Seguridade Social. ( )
- Declaración doutras subvencións percibidas no seu caso. ( )
- Certificado da federación correspondente, de ter participado en competicións coa selección nacional durante o ano 2018 (só no caso de bolsas TOKIO 2020) ( )

Riveira, \_\_\_\_\_ de \_\_\_\_\_ de 2019.